

CYNGOR CYMUNED MANORDEILO A SALEM CYFARFOD 10^{fed} EBRILL 2019

Cynhaliwyd cyfarfod Cyngor Cymuned Manordeilo a Salem am 7.30pm ar y 10^{fed} Ebrill 2019 yn yr Ystafell Ddarllen, Cwmifor.

PRESENNOL

Cynghorwyr Alun Davies, Kim Davies, Gwenfyl Evans, Hubert Gwynne, Peter Harries, William Loynton, Andrew Thomas, Owen Williams a'r Cynghorydd Sir Joseph Davies.

1. CROESO AC YMDDIHEURIADAU

Cymerwyd y Gadair gan y Cyng. Alun Davies a chroesawodd bawb i'r cyfarfod. Derbyniwyd ymddiheuriadau gan y Cynghorwyr Dorian Jenkins a Doris Jones.

Ymunodd Swyddog Cymunedol yr Heddlu Donavan Kerr y cyfarfod. Mynegodd y Cynghorwyr bryder am y scam llythyron sy'n cylchredeg yn annog trigolion i arwyddo i rwydwaith ar lein breifat rhad ac am ddim 'Nextdoor Manordeilo and Salem'. Yr awgrym yw bod hyn wedi dod o'r Cyngor Cymuned ond nid dyma'r gwir. Dywedodd Swyddog Cymunedol yr Heddlu Kerr y byddai'n edrych ar y mater ac y dylai trigolion wrthod unrhyw gyswllt. Mae dwyn beiciau pedair olwyn yn parhau yn fater, nid yn ardal Manordeilo a Salem yn benodol ond yn yr ardal ac mae Swyddog Cymunedol yr Heddlu Kerr yn cynghori perchnogion i gymryd gofal ychwanegol a sicrhau bod cerbydau'n cael eu cadw'n ddiogel. Hefyd codwyd y broblem barhaus o oryrru a damweiniau traffig ffordd.

2. CADARNHAU COFNODION Y CYFARFOD DIWETHAF

Cynigiwyd gan y Cyng. O. Williams, eiliwyd gan y Cyng. G. Evans ac roedd pawb yn gytûn bod cofnodion y cyfarfod diwethaf a gynhaliwyd ar y 13^{eg} Mawrth 2019 fel ag y maent wedi'u teipio a'u dosbarthu yn gywir.

Arwyddwyd gan y Cadeirydd

3. DATGANIADAU O DDIDDORDEB

Fe wnaeth y Cyng. P. Harries ddatgan diddordeb yn Eitem Agenda 4.10ii) Materion y Codi parthed Cais Cynllunio E/38405.

4. MATERION YN CODI

5.4.4.4.4.4.4. 4.4.10 Fe wnaeth y Cyng. H. Gwynne hysbysu bod Western Power bellach wedi torri'r coed a oedd yn achosi pryder yn Ardal Chwarae Caledfwlch.

4.4.4.4.11. Dosbarthwyd poster i a thafleini i Gynghorwyr i hyrwyddo'r sesiynau diffibliwr a chymorth cyntaf a gynhelir yn Ystafell Ddarllen Manordeilo ddydd Mawrth 7^{fed} Mai am 7.00pm. Caiff hyn hefyd ei hysbysu ar wefan y Cyngor ac mor eang â phosibl yn y gymuned. Pawb

5.5xii) Bydd y Cyng. G. Evans yn mynychu cyfarfod cyntaf o'r gweithgor i sefydlu Llandeilo fel Tref Dementia Gyfeillgar ddydd Mawrth 30^{ain} Ebrill 2019. Cyng. G. Evans

6viii) Mae'r Clerc wedi dosbarthu gwybodaeth i Gynghorwyr mewn perthynas â diwrnod Heddlu Dyfed Powys i farcio cerbydau er diogelwch i gymunedau amaethyddol a gwledig.

6xiv) Mewn perthynas ag Eisteddfod Genedlaethol yr Urdd 2021 i'w chynnal yn Llanymddyfri, cytunwyd y byddai'r Cyngor yn noddio un o'r cystadlaethau ac yn prynu Medal y Dysgwyr. Cynigiwyd gan y Cyng. Alun Davies, eiliwyd gan y Cyng. O. Williams ac roedd pawb yn gytûn y dylid gwneud y rhodd dros gyfnod o ddwy flynedd, £300 yn 2019/20 a £300 yn 2020/21. Nodwyd y bydd y swm hwn yn cael ei gyfrifo oddi fewn i darged yr apêl lleol.

10i) Derbyniwyd cydnabyddiaeth gan 'JCR Planning' mewn perthynas â sylwadau'r Cyngor i'r Ymgynghoriad Cyd-ymgeisio ffurfiol parthed y datblygiad preswyl arfaethedig gyferbyn ag Ystafell Ddarllen Manordeilo.

10ii) Mewn perthynas â Chais Cynllunio E/38405, roedd yr ymgeisydd wedi hysbysu bod y cais ar gyfer stablau i bedwar ac nid chwe cheffyl. Gan fod gohebiaeth yr ymgeisydd eisoes wedi'i anfon i'r Adran Gynllunio, cytunwyd y dylid nodi hyn.

5. GOHEBIAETH

- i) Banc Lloyds, Cyfriflen dyddiedig 14^{eg} Mawrth 2019, Taflen Rhif 15, Gweddill o £12,054.67. Nodwyd
- ii) Banc Lloyds, Cyfriflen dyddiedig 1^{af} Ebrill 2019, Taflen Rhif 16, Gweddill o £5,541.69. Nodwyd
- iii) HSBC, Cyfriflen Banc dyddiedig 15^{fed} Mawrth 2019, Taflen Rhif 344, Gweddill o £21.49. Nodwyd
- iv) Cyngor Sir Caerfyrddin (C.S.C.) Archebiant o £4,237.48 taliad blynyddol am oleuadau. Nodwyd
- v) C.S.C. Adran Marchnata a'r Cyfryngau parthed cyfarfod ar yr 17^{eg} Ebrill mewn perthynas â digwyddiad arbennig ym mis Mehefin. Cyng. J. Davies
- vi) C.S.C. Gweithdy parthed Rheoli Mannau Gwyrdd ar gyfer Bioamrywiaeth. Nodwyd
- vii) Llythyron o ddiolch am roddion a dderbyniwyd gan: Treialon Cŵn Defaid Cenedlaethol Cymru 2019, Ambiwylans Awyr Cymru, CFFl Llandeilo a Chylch Meithrin Llangadog. Nodwyd
- viii) Un Llais Cymru, gwybodaeth parthed digwyddiad ar y 15^{fed} Mai 2019, Bwletin Newyddion ac Ymgynghoriad. Nodwyd
- ix) Y Lloffwr, cais am gymorth ariannol. Chwefror
- x) Ymddiriedolaeth 'Carnegie UK' parthed sefydlu gwefan – Deall Lleodedd Cymru. Clerc i'w anfon at y Cyngor Tref oherwydd ei fod yn fwy perthnasol iddynt hwy. Clerc
- xi) Diwrnod y Llynges Fasnachol Brydeinig 3ydd Medi 2019. Nodwyd

6. ADOLYGIAD O'R GYLLIDEB

Mae'r Gyfriflen Banc dyddiedig 1^{af} Ebrill 2019 yn rhoi gweddill o £5,541.69. Mae pum sic gwerth £300.00 heb eu cyflwyno sy'n rhoi cyfanswm gwirioneddol o £5,241.69.

7. GOLEUADAU

Dim i'w drafod

8. LLWYBRAU TROED

Dim i'w drafod.

9. CYNLLUNIO

Cytunwyd gwneud y sylwadau canlynol:

- E/38601** Gwelliannau nad ydynt yn rhai yn ymwneud â Deunyddiau i Eiddo ar Wahân a gymeradwywyd yn flaenorol a Garej Ar Wahân
Tir Cyfagos i Derw
Cwmifor
Llandeilo
SA19 7AW
E Morgan
Dim sylwadau parthed y mân welliannau gan nad oes yna ddim manylion ar gael. Yr unig sylw byddai i sicrhau y dylai mynediad i'r ffordd sirol gael ei rhannu gyda'r eiddo sydd wrth ymyl y Neuadd Bentref (yn unol â'r caniatâd gwreiddiol) ac am resymau diogelwch wedi'u lleoli mor bell i ffwrdd â phosib o'r gornel.
- E/38611** Un Annedd Newydd
Neuadd yr Ysgol
Heol yr Ysgol Salem
Salem
Llandeilo
SA19 7LY
G Evans
Mynegwyd pryder mewn perthynas â
- Mynediad i'r safle a chynnydd mewn traffig ar ffordd gul
 - Cymhwysedd y system garthffosiaeth bresennol
- E/38694** Garej Ar Wahân a Swyddfa Gartref
Brynio Fach

Llandeilo
SA19 7LH
Harries
Dim Gwrthwynebiad

10. ARCHWILIAD BLYNYDDOL

Mae dogfennau'r Cyfrifon Blynyddol wedi'u derbyn oddi wrth yr archwilwyr allanol Grant Thornton. Cynigiwyd gan y Cyng. J. Davies, eiliwyd gan y Cyng. K. Davies ac roedd pawb yn gytûn y dylid gofyn i Mrs W. Phillips gynnal yr archwiliad mewnol. Clerc i ysgrifennu at Mrs Phillips ac i baratoi'r archwiliad yn unol â'r amserlen a ddarparwyd. Clerc

11. PANEL CYDNABYDDIAETH ARIANNOL

Dosbarthwyd Adroddiad Blynyddol Panel Annibynnol Cymru ar Gydnabyddiaeth Ariannol i Gynghorwyr o flaenllaw. Trafodwyd Adran 13 sy'n ymwneud â Chynghorau Tref a Chymuned ac yn benodol trafodwyd y lwfans blynyddol o hyd at £150 sy'n daladwy i bob Cynghorydd i gwrdd â threuliau megis y rheini sy'n ymwneud ag argraffu dogfennau, galwadau ffôn a chostau cyffredinol. Nid oes angen gwneud cais am y lwfans hwn. Os nad yw Cynghorwyr am fanteisio ar hyn yna mae disgwyl iddynt ysgrifennu i'r Clerc i ddewis peidio â derbyn taliadau. Y Clerc i ddrafftio ffurflen addas. Clerc/Pawb

12. CYFRIFON I'W TALU

Cytunwyd y dylid gwneud y taliadau canlynol:

i) Ystafell Ddarllen Manordeilo, Llogi'r Neuadd, Ionawr, Chwefror a Mawrth 2019, Siec Rhif 1311	£42.00
ii) Comisiynydd Gwybodaeth, Adnewyddu Ffi Diogelu Data, Siec Rhif 1312	40.00
iii) Mrs Jane Davies, Cyflog y Clerc Ebrill, Siec Rhif 1313	430.00
iv) HL a AW Gwynne, Rhent Chwe Mis, Ardal Chwarae Caledfwlch, Siec Rhif 1314	50.00
v) 'Vision ICT Ltd', Lletya a Chefnogaeth i'r Wefan, Siec Rhif 1315	150.00
CYFANSWM	£712.00

13. UNRHYW FATER ARALL

- i) Adroddodd y Cyng. O. Williams ar ddigwyddiad i randdeiliaid a fynychodd ar 2il Ebrill mewn perthynas â Ffordd Osgoi Llandeilo. Amlinellwyd rhestr fer o ryw ddeg cynnig yn cynnwys sefyllfa o 'beidio â chael ffordd osgoi'. Roedd y cynigion ar gyfer y ffordd osgoi yn cyfeirio at y llwybrau dwyreiniol yn unig. Yr amserlen a ragwelir yw ymchwiliad cyhoeddus ganol 2020, fydd o bosib yn dod i ben erbyn diwedd 2020. Ni ddisgwylir i'r gwaith adeiladu gychwyn cyn dechrau 2021.
- ii) Hysbyswyd gan y Cyng. A. Thomas ei fod wedi mynychu ei gyfarfod cyntaf o Gorff Llywodraethol Ysgol Gymraeg Teilo Sant.
- iii) Mewn perthynas â cherbydau'n parcio ar y gornel ger Ystafell Ddarllen Manordeilo, mae cwyn wedi'i derbyn am y perygl o barcio yn y fan hon a hefyd sicrhau mynediad i gerbydau mawr. Cyng. J. Davies
- iv) Adroddodd y Cyng. J. Davies bod Noson Bingo wedi'i chynnal yn Ystafell Ddarllen Manordeilo ar y 29^{ain} Mawrth 2019 gan godi £236.00 a bydd y swm hwn yn mynd tuag at brynu diffiblwyr ar gyfer Manordeilo uchaf.
- v) Llythyr o ddiolch gan Marie Curie am y rhodd o £400, elw o'r yrfa chwist a gynhaliwyd yn Ystafell Ddarllen Manordeilo.

Gan nad oedd rhagor i'w drafod, diolchodd y Cadeirydd i aelodau am fynychu a daeth y cyfarfod i ben am 9.25pm.

.....8^{fed} Mai 2019
CADEIRYDD